

करने बक्खी चेचा ध्यान देन। कल श्रीनगर च मीर्ज हैल्थ केयर अस्पताल दा नीह पत्थर रखदे होई एल.जी होरें आखेया जे इस सुविधा कन्नै श्रीनगर शैहर ते एहदे आहले-दोआले दे इलाकें ते जिलें दे लोके लेई बी बेहतर सेहत सेवां उपलब्ध होगंन। एल.जी होरें आखेया जे प्राइवेट क्षेत्र दा सेहत क्षेत्र च औना समाज दी सेहत ते तंदरुस्ती दे कन्नो-कन्नी राष्ट्र दी तरक्की च बी मती अहमियत रखदा ऐ।

<><><><><><>

Pre Budget Meet

जम्मू-कश्मीर सरकार अज्जै थमां सब्भनें प्रशासनिक विभागें कन्नै बैठक लाइयै बजट कोला पैहले आहला सलाह-सूत्र करोग- जेहदी अध्यक्षता मुखमंत्री उमर अब्दुल्ला होर करगंन। सिविल सचिवालय जम्मू च लग्गने आहली इस बैठका च सब्भै मंत्री- सलाहकार- मुख सचिव ते प्रशासनिक सचिव बी मजूद रौहगंन। ओ अधिकारी जेहड़े एल्लै श्रीनगर च न- ओ वर्चुअल ढंग्गै नै इस बैठक च शिरकत करगंन। एह बैठकां अतरु 22 जनवरी तोड़ी चलने दा कार्यक्रम ऐ- जिस दौरान बिजली- शिक्षा- सेहत- खजाना- समाज कल्याण- राई-बाई-ट्रांस्पोर्ट- उद्योग-बपार ते होरनें महत्वपूर्ण मैहकमे दे बजट प्रस्तावें पर तफसीली विचार बी कीता जाहग। इनें चर्चाएं दा मकसद औंदे माली बरे लेई पूरे केन्द्र शासत प्रदेश च असरदार योजना ते रकमें दी बंड गी मुकदा रुप देना ऐ।

<><><><><><>

Simran Bala

जम्मू-कश्मीर लेई एह इक मानै आहली गल्ल ऐ जे औंदी 26 जनवरी गी कर्तव्य पथ पर आयोजित गणतंत्र दिवस परेड च शामिल होने आहली CRPF दे मर्दे दे दल दी अगुआई ऐकती 26एं बरे दी असिस्टेंट कमांडेंट सिमरन बाला करने जा रदियां न जेहड़ियां जे राजौरी जिले दियां रौहने आहलियां न। उआं ते पहैले बी केंई बारी CRPF दिएं महिला अफसरें परेड च शामिल टुकड़ियें दी अगुआई कीती ऐ-पर एह पैहली बारी ऐ जंदू इक महिला अधिकारी इस दल दा नेतृत्व करने जा रदी ऐ- जेहदे जच 140 CRPF कर्मी शामिल न ते उब्बी सारे मर्दे। गणतंत्र दिवस परेड लेई इनें दिनें चलै करदी त्त्यारी दे बारे च सिमरन बाला होरें दस्सेया जे उन्दी पूरी टीम पूरी चाल्ली अनुशासन ते समर्पण भाव कन्नै भ्यास करै करदी ऐ।

<><><><><><>

Security Review

जम्मू-कश्मीर पुलसै दे महानिदेशक नलिन प्रभात होरें औंदे गणतंत्र दिवस समारोह गितै त्त्यारियें दा जायजा लैने लेई कल श्रीनगर च इक उच्ची सतह दी सुरक्षा जायजा बैठक दी समीक्षा कीती। बैठक दौरान पुलसै दे बड्डे अफसरें उनेंगी खूफिया जानकारी- सुरक्षाकर्मियें दी तैनाती- कारवाइयें सरबन्धी त्त्यारियें ते भीड़ प्रबन्धन सरबन्धी कीते गेदे प्रबन्धें ते बवस्थाएं दे बारे च तफसीली जानकारी दिती। उनेंगी दस्सेया गया जे गणतंत्र दिवस समारोहें दे सिलसिले च महत्वपूर्ण थाहरें दी सुरक्षा- ट्रैफिक प्रबन्धन ते भीड़ प्रबन्धन गी लेइयें चेचे तौरा पर केह-केह प्रबन्ध कीते गेदे न। डी.जी.पी. होरें सोशल मीडिया पर बी नेइमी तक्क रखने पर जोर दिता ते राष्ट्र विरोधी ताकतें दी हर निक्की -मुट्टी नकलो-हरकत पर बी निगरानी रखने लेई आखेया। तौंआई

जम्मू जोन दे IGP भीम सेन टूटी होरें बी कल पुलस कंट्रोल रुम जम्मू च इक सुरक्षा समन्वय बैठक दी अध्यक्षता कीती- जेहदे च गणतंत्र दिवस 2026 दे सिलसिले च आयोजित समारोहें गी पूरी चाल्ली रमानदारी- सुरक्षत ते बवस्था आहले ढंगै सिर तोढ़ चाढ़ने गितै कीते गेदे बंदोबस्तें दे बारे च तफसीली विचार -बटांदरा कीता गया- जिंदे च सुरक्षा ते ट्रैफिक प्रबंधन- उच्च सतह दी सतर्कता- बक्ख-बक्ख सुरक्षा एजेंसियें बश्कार तालमेल ते समारोहें गितै होर दुइयें तयारियें बारे सोच-विचार शामिल हा।

<><><><><><>

Udhampur Vande Matram

राश्ट्रीय गीत “वंदे मातरम” दे डेढ़ सौ बरे पूरे होने दे सरबंधे च आयोजित होने आले समारोहें दा दूआ गेड़ कल उधमपुर जिले च डिप्टी कमीशनर सलोना राय हुंदी दिक्ख-रिक्ख च शुरु होआ। अधिकारियें दस्सेया जे हफ्ताभर चलने आले आस समारोहें च सरकारी स्कीमें बारे जागरुकता पैदा करने ते देश-भक्ति गी बढ़ावा देने सरबंधी गतिविधियां शामिल होगंन।

<><><><><><>

Mission Yuva Projects

मिशव “युवा” तैहत समूलचें जम्मू-कश्मीर च मता कम्म होआ रदा ऐ। ते लोकें टकोहदा करियै नौजवानें च बी इसी लेइयै दिलचस्पी उपरोतली बधै करदी ऐ। अजें तोड़ी कोई 95 प्रतिशत पंचैतें गी एहदे तैहत लेई आंदा गया ऐ ते 14 ज्हार 887 आवेदकें लेई 8 अरब 47 करोड़ रपे दे दोआर मंजूर बी करी दिते गेदे न। इस बारे सब्भनें शा बड्डी कमेटी दी बैठक दी अध्यक्षता

करदे होई मुख सचिव अटल डुल्लु होरें मिशन “युवा” दे तैहत बक्ख-बक्ख जिलें साब्बै कारकरदगी दा जायजा लैता ते आखेया उनें ब्लाकें बक्खी चेचा ध्यान देने दा निर्देश दिता- जेहड़े इस लिहाज कन्ने दना लिस्से न- जां उत्थै इंदी मती लोड़ सेई कीती जा रदी ऐ। मुख सचिव होरें कम्म करने आहलियें इकाइयें गी समर्थन ते सहयोग देने- उन्दे तोड़ी पुज्ज गी निग्गर बनाने ते दोआर कर्जा देने बाद बी उन्दी कारकरदगी ते कम्मै पर निगरानी रखने पर जोर दिता। अधिकारियें जानकारी दिती जे मंजूर दोआर-कर्जे चा लगभग 76 प्रतिशत बंडे बी जाई चुके दे न। उनें दस्सेया जे चालू माली बरे दे खीरै तोड़ी 1 जहार 500 करोड़ रपे दी दोआर-कर्जे उपलब्ध कराने दा लक्ष ऐ तां जे क्रेन्द्र शासत प्रदेश च उद्यमता ते स्वरोजगार गी बढ़ावा थोऐ।

<><><><><><>

Satish –Rehbar e Khel

खेड मंत्री सतीश शर्मा होरें आखेया ऐ जे सरकार रैहबरे खेल तैहत लाए गेदे मलाजमें गी पक्का करने गितै इक व्यापक नीति तयार करने दे खीरी चरणे च ऐ- जिसी तौले गै मुकदा रुप देइयै जारी करी दिता जाहग। कल जम्मू च इक समारोह दे बाहरे पत्रकारें कन्ने गल्ल करदे होई मंत्री होरें आखेया जे सरकार- रैहबरे खेल दे मलाजमें गी पक्का करने गी लेइयै लम्मे चिरे थमां बकाया पेदी मंग गी पूरा करने लेई पिच्छले 6एं महीने थमां उपरोतली सोच-विचार ते हीलें करा करदी ऐ। उनें आखेया जे रैहबरे खेल दे इलावा किश होरनें मैहकमें च बी इस चाल्ली दे मलाजमें बारे सोच-विचार कीता जा रदा ऐ। मंत्री होरें आखेया जे मजूदा सरकार समाज दे हर

इक वर्ग गी न्याऽ दोआने ते उन्दे हर जायज मुद्दे गी हल्ल करने लेई पूरी चाल्ली वचने बज्झी दी ऐ।

<><><><><><>

Weather Update

भारतीय मौसम विभाग नै मौसम बारे इक चेतावनी आहली सलाह जारी करदे होई आखेया ऐ जे पच्छमी खोद्दल करी 22 जनवरी शा लेइयै 28 जनवरी तोहड़ी जम्मू-कश्मीर च बड़ी भारी बरखा ते बर्फबारी होई सकदी ऐ। विभाग नै आखेया जे पैहले ते निग्गर मौसमी बदलाव 22 जनवरी ते 24 जनवरी बश्कार दिक्खने गी लब्बी सकदा ऐ जिसलै के मेद ऐ जे दुआ गेड़ 26 जनवरी ते 28 जनवरी दे बश्कार अपना असर दस्सी सकदा ऐ। पीर पंजाल- चिनाब घाटी ते दक्खन-कश्मीर दी उच्चिये थारें पर भारी बरखा पौने दी मेद ऐ। विभाग नै आखेया जे ल्हास-पस्सिये- बर्फू दे ल्हास ते तेज ब्हाएं करी- सिड़क ते ब्हाई यातायात प्रभावित होई सकदा ऐ। मैहकमे नै यात्रिये ते करसाने गी सौहगा-सतर्क रौहने आस्तै आखेया ऐ। मुकामी मौसम विभाग दे निदेशक मुख्तार अहमद होंरे इस बारे तफसीली जानकारी दिंदे होई आखेया .

<><><><><><>